

卷二

書名 爾雅註疏十一卷
 撰者 晉 郭璞 注, 宋 邢昺 疏, □ 闕名 音
 卷二
 內容分類 經-小學-訓詁-爾雅
 索書號 經部-彙刻-1
 編號 A497200

[彩色首頁1](#)

[東洋文化研究所漢籍目錄 編號: A497200](#)

[東洋文化研究所漢籍目錄所藏漢籍善本全文影像資料庫 索書號: 經部-彙刻-1](#)

[漢籍善本全文影像資料庫文本爾雅註疏十一卷](#)

版權所有: [東京大學](#) [東洋文化研究所](#)

[使用上的注意事項](#)

爾雅註疏卷第一

晉郭璞註

宋邢昺疏

爾雅序

疏

爾雅者釋文云所以訓釋五經辯章同異實九經之通路百氏之指南多識鳥獸草

木之名博覽而不惑者也爾近也雅正也言可近而取正也釋詁一篇蓋周公所作釋言以下或言仲尼所增子夏所足叔孫通所益梁文所補張揖云昔在周公續述唐虞宗翼文武克定四海勤相成王踐阼理政日昃不食坐而待旦德化宣流越裳來貢嘉禾貫桑六年制禮以導天下著爾雅一篇以釋其義傳乎後學歷載五百墳典散落唯爾雅常存禮三朝記哀公曰寡人欲學小辯以觀於政其可乎孔子曰爾雅以觀於古足以辯言矣春秋元命包言子夏問夫子作春秋不以初哉首基為始何是以知周公所造

若猶不同然也自上顛壞曰崩蕘顛壞之聲卒終也
 不祿不終其祿死之言漸也精神漸盡也又曰壽考
 曰卒短折曰不祿鄭注云祿謂有德行任為大夫士
 而不為者老而死從大夫之稱少而死從士之稱此
 云無祿者即彼之不祿也徂落者李巡曰徂落堯死
 之稱郭云古者死亡尊卑同稱耳故尚書堯曰徂落
 舜曰陟方乃死者皆虞書舜典文也謂之徂落者蓋
 徂為往也言人命盡而往落者若草木葉落也殪者
 案隱九年左傳云衷戎師前
 後擊之盡殪杜注云殪死也

爾雅註疏卷之一

爾雅註疏卷第二

晉郭璞註

宋邢昺疏

釋言第二

疏

說文曰直言曰言仲尼曰言以足志
 介之推曰言身之文也然則言者發

於志而形於聲所以文章於身者也論語曰詩
 三百一言以蔽之曰思無邪左傳趙簡子稱子
 大叔遺我以九言皆以一句為一言也漢書東
 方朔方云十六學詩書誦二十二萬言則以一
 字為一言也雖一句一字有異要以今古方國
 殊別學者莫能通是以方言云皆古今語也初
 別國不相往來之言今或同而舊書雅記故俗
 語不失其方而後人不知故為作釋是曰釋言

殷齊中也

註

書曰以殷仲春釋地曰距齊州以南

疏

齊殷

皆謂正中也。書曰：以殷仲春者，堯典文案彼云：日中星鳥，以殷仲春。孔安國以殷為正中，正義同。故也。云：釋地曰：岷齊州以南者，彼注云：岷去也。齊中也。謂中州為齊州，是齊得為中也。

斯謔離也。齊陳曰：斯謔見詩。○謔，音侈。斯，析也。離，郭云：齊陳曰：斯者，方言文陳風墓門云：斧以斯之，是也。云：謔見詩者，小雅巷伯云：哆兮侈兮，成是南箕。鄭箋云：因箕星之侈而。又侈大之是也。謔，侈音義同。

謾興起也。禮記曰：尸謾。○謾，所記曰：尸謾者，祭統也。文。

還復返也。皆迴返也。春秋書師還，又曰：至河乃復之，類是也。

宣徇徧也。皆徇徧也。大雅江漢云：來徇來宣。毛傳云：徇，徇辭。云：來徇來宣，毛傳云：徇，徇辭。云：來徇來宣，毛傳云：徇，徇辭。

駟遽傳也。皆傳車駟馬之名。○駟，音日。馬之名，文。十六年左傳曰：楚子乘駟會師于臨品。又僖三十三年云：使遽告于鄭。又成五年曰：晉侯以傳召伯宗。是皆謂今驛也。

蒙荒奄也。奄，奄覆也。皆見詩。生蒙楚孫炎曰：荒大之奄。周南云：葛藟荒之。故郭云：皆見詩。

告謁請也。皆求請也。○告，音谷。傳曰：郤克對齊侯曰：晉與魯衛兄弟也。來告曰：大國朝夕釋憾。於敝邑之地。詩序云：無險詖私謁之心。

肅雍聲也。詩曰：肅雍和鳴。和樂聲也。詩曰：肅雍和鳴者，周頌有瞽文也。

爾雅疏

卷之二

及

及

及

及

及

及

及

及

及



格懷來也

疏 謂招來也書曰格爾眾庶懷見詩

疏 謂招來也書曰格爾眾庶者商

書湯誓文也云懷見詩者周頌時邁云懷柔百神

吟底致也

疏 皆見詩傳

疏 曲禮曰吟于鬼神昭元年左傳叔向曰底祿以德周頌下

武篇云者定爾功毛傳曰者致也王肅云致定其大功謂誅紂定天下是毛讀者為底故注云見詩傳

悛怙恃也

疏 今江東呼母為悛

疏 音是悛皆依恃也郭云

悛小雅蓼莪云無父何怙無母何恃

律適述也

疏 皆敘述也方俗語耳


疏 皆敘述也方俗語異耳律管所以述

氣適者述行之也大雅文王有聲云適駿有聲之類是也

俞奮然也

疏 禮記曰男唯女俞奮者應也亦為然

音谷



疏 皆然應也禮記曰男唯女俞者內則文也奮古荅字故為應也

豫臚敘也

疏 皆陳敘也

疏 皆陳敘也事豫備者亦有敘也漢書云典客秦官太初元

年更名大鴻臚韋昭曰鴻大也臚陳敘也以禮陳敘于賓客也又莊子云大儒臚傳是也

庶幾尚也

疏 詩曰不尚息焉

疏 尚謂心所希望也詩曰不尚息焉者小雅苑柳

篇文也鄭箋云尚庶幾也以心所念尚即是庶幾義相反覆故引之

觀指示也

疏 國語曰且觀之兵

疏 示謂呈見於人也國語曰且觀之兵者案

周語穆王將征犬戎祭公謀父諫曰不可先王耀德不觀兵犬戎氏以其職來主天子曰予以不享征之且觀之兵無乃廢先王之訓而王幾頓乎是也論語曰指其掌謂舉掌以示人也

若惠順也

疏 詩曰惠然肯來

疏 謂順不逆也書曰若稽古

終風云惠然肯來言有順心然後可來是也

敖無傲也 **禮記**曰無無傲慢也 ○敖五報切無好吾切


皆謂傲慢周頌絲衣云不吳不敖禮記曰無無傲者投壺文也案彼云魯令弟子辭曰毋無毋敖毋借立母踰言借立踰言有常爵是也

幼鞠穉也 **書**曰不念鞠子哀 ○禮 方言云穉年小也曲禮曰幼子常視無誑

書曰兄亦不念鞠子哀是皆謂年少也書曰者周書康誥文也

逸僭過也 **書**曰汝則有逸罰 ○僭音憊 皆謂咎過也書

者案商書盤庚云惟予一人有佚罰費誓云汝則有常刑無云汝則有逸罰者師讀不同故也或者其在今文乎僭者左傳曰禮義不僭之類是也



疑休戾也 **戾**止也疑者亦止 ○戾止也書曰疑謀勿戾成月令云百工休是

疑休皆為止也

疾齊壯也 **壯**壯事謂速也齊亦疾 ○急速齊整皆於事敏速疆壯也

械褊急也 **皆**急狹 ○械紀力切褊必淺切 械與亟同大雅靈臺云經始勿亟文

王有聲云匪棘其欲禮記引此詩作匪革其猶革亦急械亟棘革字雖異音義同魏風葛屨云維是褊心又廣雅云械謹也褊狹陋也是皆急狹也

貿賈市也 **詩**曰抱布貿絲 ○賈音古 謂市買賣物也詩

風氓篇文也大雅瞻卯云如賈三倍也

扉陋隱也 **禮記**曰扉用席書曰揚側陋 ○扉符佛切 皆

隱也禮記曰扉用席者案有司徹云有司徹饋饌于室中西北隅南面如饋之設右几扉用席是也云禮記者誤也云書揚側陋堯典文也

遏筵逮也 **東齊曰遏北燕曰筵皆相及逮** 音誓 **逮** 謂

相及也注東齊曰遏北燕曰筵者方言文也


征邁行也 **詩曰王于出征邁亦行** 皆出行詩曰王于出征者小雅

六月文也云邁亦行者詩云周王于邁是也

圯敗覆也 謂毀覆 **圯敗壞皆傾覆也** 美反 **圯** 圯于耿

荐原再也 **易曰水荐至今呼重蠶為蠶** 音賤 **再** 皆車

孫炎云荐草生之再也 **再**云易曰水荐至者周易坎卦象辭也云今呼重蠶為蠶者周禮夏官馬質云禁



原蠶者
是也

憮救撫也 **憮愛撫也救寧見書** 音武 **憮** 皆愛撫也方

陶之間謂愛曰憮故上云憮愛撫也云救寧見書者大誥云子翼以干救寧武圖功之類是也

臞豚瘠也 **齊人謂瘠為豚** 音求 **瘠** 皆瘦瘠也鄭

瘦臞腐敗郭云齊人謂瘠瘦為豚

枕頰充也 **皆充盛也** 頰俱 **充** 孫叔然本枕作光書

頰火光也是皆充盛也 **充** 曰光被四表說文云

屢暱亟也 **親暱者亦數亟亦數也** 亟虛 **亟** 亟猶數

曰屢豐年左傳曰諸夏親暱親暱時恩信必數故注云親暱者亦數

靡罔無也

疏無不有也詩云靡神不舉書曰罔有攸赦皆是

爽差也爽忒也

註皆謂用心差錯不專一○差初切**疏**廣言也爽謂差錯又為忒變孫炎曰忒變雜不一郭云皆謂用心差錯不專一詩衛風云女也不爽大雅瞻

印云鞠人伎忒

仞貳也

註仞次為副貳○仞而志切**疏**副貳之貳○副貳之貳

劑翦齊也


註南方人呼翦刀為劑刀○劑卽隨切**疏**皆為齊○劑卽隨切**疏**截也郭

云南方人呼翦刀為劑刀釋器云金鍔翦羽謂之鍔

饋餽稔也

註今呼貨飯為饋饋熟為餽○饋音分餽力又切**疏**稔也孫炎曰蒸之曰饋均之曰餽郭云今呼貨飯為饋饋熟為餽說文云饋一蒸米也餽飯氣流也然則蒸

也孫炎曰蒸之曰饋均之曰餽郭云今呼貨飯為饋饋熟為餽說文云饋一蒸米也餽飯氣流也然則蒸



未謂之饋饋必餽而熟之故言饋餽稔也大雅河酌云可以餽餽饋音義同

媵將送也

註左傳曰以媵秦穆姬詩曰遠于將之○媵以正切

皆謂送行也孫炎曰將行之送也**疏**云左傳曰以媵秦穆姬者案僖五年晉執虞公及其大夫

井伯以媵秦穆姬杜注云秦穆姬晉獻公女送女曰媵以屈辱之云詩曰遠于將之者邶風燕燕衛莊姜

送歸妾之詩也

作造為也

註謂營為也皆見鄭風緇衣篇

養餼食也

註方言云陳楚之間相呼食為養○養音非**疏**皆

食也方言云陳楚之間相呼食為養者案彼云養餼食也陳楚之內相謂而食麥餽謂之養楚曰餼凡陳

楚之郊南楚之外相謂而餼或曰餼或曰餼秦魯之際河陰之間曰餼惡恨切餼五恨切此真秦語也大

雅公劉云
乃裏餼糧

鞫究窮也

註

皆窮盡也見詩

疏

鞫哉庶正小雅節南山

云以究
王詡

滫泔鹹苦也

註

滫苦地也可矜憐者亦辛苦苦即大鹹

疏

郭云滫苦地也者謂斥滫可煮鹽者左傳曰表滫

滫云可矜憐者亦辛若者小雅鴻雁云爰及矜人
鄭箋云可憐之人謂貧窮者是辛苦之人也云苦即
大鹹者釋經之鹹也鹹殊極必苦故以鹹為苦也

干流求也

註

詩曰左右流之

疏

皆求取也語云子張學
干祿詩曰左右流之

周南關
雉文也


流覃也覃延也

註

皆謂蔓延相被及

疏

轉相解也皆謂
蔓延相被及水



之流必相延及詩
周南云葛之覃兮

佻偷也

註

謂苟且

音挑

疏

小雅鹿鳴云視民不佻是也
李巡曰佻偷薄之偷郭云謂

苟且左傳趙孟曰吾儕偷食朝不謀夕何其長也杜
注云言欲苟免目前不能念長久是謂偷為苟且也

潛深也潛深測也

註

測亦水深之別名

疏

轉相解也詩
曰潛雖伏矣

是深矣潛深又為測郭
云測亦水深之別名

穀鞠生也

註

詩曰穀則異室

疏

皆生活也詩曰穀則異
室者王風大車篇文也

小雅蓼莪云
母兮鞠我

啜茹也

註

啜者拾食

音茹

疏

說文云啜嘗也郭云啜
者拾食禮記檀弓云啜

菽飲水大雅烝民云柔則茹之方言
云茹食也吳越凡貪飲食者謂之茹

茹虞度也

註

皆測度也詩曰不可以茹

音鐸

疏皆謂測度也詩

曰不可以茹者邶柏舟文也左傳曰備豫不虞

試式用也

註

見詩書

疏

皆任用也皆見詩書者小雅大

式臧商書盤庚云今予將試以汝遷又云式敷民德之類是也

誥誓謹也

註

皆所以約勤謹戒衆

疏

皆謹教也以大義諭衆謂之誥集將

士而戒之曰誓尚書誥誓之類是也故郭云皆所以約勤謹戒衆也

競逐疆也

註

皆自勉強

疏

皆自勉強也大雅抑

疏

皆自勉強也大雅抑

者亦強梁也

禦圉禁也

註

禁制

疏

皆謂禁制小雅常棣云外禦其務養馬曰圉亦所以禁制故皆為禁

室窶塞也

註

謂塞孔穴

疏

皆謂墜塞孔穴幽七

疏

皆謂墜塞孔穴幽七

伯云以狸沈祭山林川澤是其類也

黼黻彰也

註

黼文如斧黻文如兩已相背

疏

黼音甫

彰明也言文采著明也一注黼文如斧黻文如兩已相背者考工記云白與黑謂之黼黑與青謂之黻釋

器云斧謂之黼蓋半白半黑似斧刃白而身黑黻謂以青黑線刺繡為兩已字相背黼取能斷黻取善惡

背

膺身親也

註

謂躬親

疏

服膺身先皆謂躬親也

愷悌發也

註

發發行也詩曰齊子愷悌

疏

謂發明而行也詩曰齊子

愷悌者齊風載驅篇文也毛傳云言文姜於是樂易然鄭箋云此豈第適言發夕也豈讀當為闔弟古文

尚書以弟為圍圍明也然則郭云發發行也是用鄭箋為說

髦士官也

取俊士令居官

疏下云髦俊也士者男子之人大號言取俊士令

居官也大雅械樸云髦士攸宜是也

峻農夫也

今之畜夫是也

疏田峻一曰農夫孫音俊**疏**炎曰農夫田官也

皆謂主田大夫也小雅甫田云田峻至喜鄭箋云田峻司畜今之畜夫也此注云今之畜夫是也然則田亦有此官謂之畜夫故鄭郭皆云今之畜夫也

蓋割裂也

蓋未詳

疏割謂以刀裂之也

邕支載也

皆方俗語亦未詳

疏謝氏云邕字又作擁釋云擁者護之載郭

云皆方俗語亦未詳

謹諉累也

以事相屬累為謹諉

疏謹竹腫切諉女謂相累及也孫炎云楚人曰諉秦人曰諉郭云以事相屬累為諉諉

疏

漠察清也

皆清明

疏樊光云漠然清貌察明也是皆清明也

庇麻廕也

今俗語呼樹陰為麻

疏舍人曰庇蔽也麻依止也郭云今俗

語呼樹陰為麻文七年左傳云葛藟猶能庇其本根

穀履祿也

書曰既富方穀詩曰福履將之

疏皆福祿也孝經

又神契云祿者錄也取上所以敬錄接下下所以敬錄事上**疏**書曰既富方穀者洪範文云詩曰福履將

之者周南木文也

履禮也

禮可以履行見易

疏履又為禮也禮可以履行見易者序卦云物畜

然後有禮故受之以履
韓康伯云履者禮也

隱占也

註 隱度

疏 占者視兆以知吉凶也
必先隱度故曰隱占也

逆迎也

註 逆

疏 謂迎迓周書顧命云
逆子釗于南門之外

憺曾也

註 發語辭見詩

音憺

疏 憺猶言曾也魯則也皆

發語辭郭云見詩者小

雅節南山云憺莫懲嗟衛風
河廣云曾不崇朝之類是也

增益也

註 今江東通言增

疏 謂饒益也郭云

今江東通言增

窶貧也

註 謂貧陋

疏 窶求

疏 窶者無禮也貧者無財也

由其無財以為禮郭云謂

貧陋邨風非門
云終窶且貧

夢隱也

註 謂隱蔽

音愛

疏 夢郭即

隱蔽也

優喑也

註 鳴喑短氣皆見詩

疏 優音愛

疏 孫炎曰心呢

疏 也郭云鳴喑

也郭云鳴喑

短氣皆見詩大雅桑
柔云亦孔之優是也

基經也

註 基業所以自經營

基設也

註 亦為造設

疏 基

下土也又詁為始作事謀始必經綸
也郭云基業所以自經營又為造設

祺祥也

註 謂徵祥祺吉也

疏 祥吉之先見

疏 舍人曰祺

祥之祥謂

徵祥也祥即吉之先見者也故
又為吉大雅行葦云壽考維祺

兆域也

註 謂塋界

疏 謂塋墓界域也

疏 孝經曰卜其宅兆

也士喪禮云筮宅

冢人營之鄭注云宅葬居也然則
筮得吉兆經營之以為界域也

肇敏也

註 書曰肇牽車牛

疏 謂敏疾也

疏 書曰肇牽車

牛者周書酒誥文也

挾藏也

音叶

今江東通言挾

音叶

謂隱藏物也郭云今

有挾書之律

澆徹也

音接

謂霑徹

音接

言潤澤澆洽

普廢也普滅也

音接

亦為滅絕

音接

普謂廢已也小雅楚茨

之是也普又為絕滅

速徵也徵召也

音接

易曰不速之客

音接

轉相解也皆謂呼

需又上六爻辭也

琛寶也

音接


詩曰來獻其琛

音接

音接

謂珍寶也舍人曰

獻其琛者魯頌泮水文也



探試也

音接

刺探嘗試

音接

試謂嘗之也論語云見不

髦選也

音接

俊士之選髦俊也

音接

士中之俊如毛中之髦

廣異言也毛中之長髦曰髦士之俊選者是也

俾職也

音接

使供職

音接

俾詰為使言任使供職也

紕飾也

音接

謂緣飾見詩

音接

謂緣飾見詩者鄘風干

凌慄也

音接

凌慄戰慄

音接

戰慄者憂感

音接

轉

解也埤蒼云凌慄也郭言凌慄戰慄則凌凌音義同慄又為感郭云戰慄者憂感秦風黃鳥云惴惴其慄

蠲明也

音接

蠲清明貌茅明也

音接

左傳曰前茅慮無明朗

也

音接

郭云蠲清明貌樊光云蠲除垢穢使令清明茅亦明也舍人曰茅昧之明也左傳云前茅慮無

者宣十二年傳文也杜注慮無如今軍行前有斥候
踰伏皆持以絳及白為幡見騎賊舉絳幡見步賊舉
白幡備慮有無也茅明也或曰
時楚以茅為旌識明即融朗也

猷圖也

周官曰以猷鬼神祇謂圖畫猷若也
詩曰

寔命不猷猷謂圖畫又為若若如也周禮曰以猷
鬼神祇者春官凡以神仕者掌三辰之

法以猶鬼神示之居辯其名物是也
詩曰寔命不猷者召南小星文也

偁舉也

書曰偁爾戈
謂與舉也偁爾戈
者周書牧誓文也

稱好也

物稱人意亦為好
**謂美好郭云物
稱人意亦為好**

坎律銓也

易坎卦主法法律皆所以銓量輕重
銓謂
量也樊光曰坎卦水也水性平律亦平銓亦平郭云
易坎卦主法者說卦云坎為水水平故主法云法律

者所以銓量輕重者白虎通云水之為言準也律歷
志云繩直生準準正則平衡而鈞權矣又曰權衡者
衡平也權重也衡所以任權而鈞物平輕重也本起
於黃鍾之重一龠容千二百黍重十二銖兩之為兩
兩者兩黃鍾律之重是法
律皆所以銓量輕重也

矢誓也

相約誓
相約誓也鄘柏舟
云之死矢靡他

舫舟也

並兩船
謂並兩船釋水
曰大夫方舟

泳游也

潛行游水底
謂潛行游水底也邶
谷風云泳之游之

迨及也

東齊曰迨
謂相及也注東齊
曰迨者方言文也

冥幼也

幼穉者冥昧
謂幼少也郭云幼穉者冥
昧小雅斯干云戕戕其冥

降下也

**召南草蟲云
我心則降**

備均也

註

齊等

疏 備救容切

註 謂齊等也小雅節南山云昊天不備

疆暴也

註

疆梁凌暴

疏

疆梁者好凌暴於物詩序云疆暴之男

窕肆也

註

輕窕者好放肆肆又為極力

註

窕輕也

肆又為極力

侏戴也

註

詩曰戴弁侏侏

疏

謂頭戴也注詩曰戴弁侏侏者周頌絲衣文也

瘞幽也

註

幽亦薶也

疏

皆謂薶藏

麓也

註

毛麓所以為麓

疏

麓音離

註

舍人曰麓所謂

毛麓也胡人續羊毛而作衣然則麓者織毛為之若今之毛氈氈以衣馬之帶鞅也

烘燎也

註

謂燒燎熅燿也

註

今之三隅竈見詩

疏 燎音料燿市



針切 **疏** 舍人曰烘以火燎也熅燿竈也郭云烘謂燒燿今之三隅竈也然則熅燿者無釜之竈其上燃火謂之烘本為此竈上以燃火照物若今之火爐也注云見詩者小雅白華云樵彼桑薪叩烘于熅

是也

陪朝也

註

陪位為朝

疏

臣見君曰朝朝之列位必陪重是陪位為朝也

康苛也

註

謂苛刻

疏

音何

注謂苛刻案苛者毒草名為政刻急者取警焉禮記孔子

曰苛政猛于虎苛名康者以康安也苛刻者心安之左傳曰州吁阻兵而安忍其類也

樊藩也

註

謂藩籬

疏

孫炎曰樊圃之藩也郭曰謂藩籬藩以細木為之齊風東方未明云

折柳樊圃小雅青蠅云營營青蠅止于榛毛傳云棘榛所以為藩是也

賦量也

註

賦稅所以評量

疏

謂賦稅也郭云賦稅所以評量方言云評均賦也燕

爾雅疏

卷之二 十三

殷古閣

之北鄙東齊北郊凡相賦
斂謂之平均是評量也

糗糧也

註今江東通言糗

疏謂糗食也郭云今江東通言糗王制云五十異糗

庶侈也

註庶者衆多為奢侈庶幸也

疏庶幾僥倖

者多奢侈郭云庶者衆多為奢侈書曰祿不期侈庶又為幸望郭云庶幾僥倖者求見親御也幸與倖通用之

筑拾也

註謂拾掇

疏拾謂拾掇金滕云凡大木所音竹偃盡起而筑之馬融云起其

木拾其禾

樊駟也

註今江東呼大為駟駟猶麤也

疏樊祖朗謂切駟音祖

大也秦晉謂大為樊郭云今江東呼大謂駟駟猶麤也

爾雅

集會也

疏說文云集若羣鳥在林木之上故曰集指事也故經典通謂聚會為集

舫泝也

註水中箴筏

疏孫炎曰舫水中為泝筏也音孚郭云水中箴筏方言云泝

謂之箴箴謂之筏筏秦晉之通語也周南漢廣云不可方思論語云乘桴浮于海注云桴編竹木大曰桴小曰桴是也舫方泝桴音義同

洵均也

註謂調均洵龕也

疏未詳

疏李巡曰洵徧之均也郭云謂調均大

雅桑柔云苑彼桑柔其下侯甸毛傳云甸言陰均也然則洵甸音義同洵又為龕未詳

逮逕也

註今荆楚人皆云逕

疏亦謂相及方俗語音沓異爾郭云今荆楚

人皆云逕

是則也

註是事可法則

疏是不非也則法效也郭云是事可法則言不非之事乃可

爾雅疏

卷之二十四

及古閣

為人法則

畫形也

畫

畫者為形像

畫

郭云畫者為形象考工

記云畫繪之事土以黃

其象方天時變火以圍山以章水以龍鳥獸蛇是畫者為形象也

賑富也

賑

謂隱賑富有

賑

郭云

皆豐財也郭云

局分也

局

謂分部

局

成十六年左傳云離局姦

也杜注云遠其部曲為離

儕怒也

儕

詩曰天之方儕

儕

舍人曰儕怒聲也

云詩曰天之方

儕者大雅板之文也

憊聲也

憊

謂聲音

憊

郭云謂聲音言

音唇聲音憊憊然也

葵揆也

葵

詩曰天子揆之揆度也

葵

商度

各切

轉相

解也皆謂商度法詩曰天子揆之者小雅采菽文也廓風定之方中云揆之以日

逮及也

逮

亦謂相及也大雅桑柔云莽云不逮

怒飢也

怒

怒然飢意

怒

李巡云怒宿不食之飢也郭云怒然飢意周南汝墳云怒如諫

飢毛傳云怒飢意也鄭箋釋云怒息也然則怒之為訓本為息耳但飢之息食意又怒然故又以為飢怒是飢之意非飢之狀故郭及毛傳皆言飢意鄭箋以為息義相接成也

珍重也

珍

謂厚重見左傳

珍

謂厚重見左傳者

忍切

謂曰夫寵而不驕驕而能降降而不憾憾而能珍者鮮矣杜注云如此者少也降其身則必恨恨則息亂不能自安自重是也

獵虐也

疏

凌獵暴虐

疏

獵謂從禽也必暴害於物故云虐郭云凌獵暴虐

土田也

疏

別二名

疏

土地之二名也白虎通云中央者土土主吐含萬物土之為言吐也

釋名云土田耕者曰田田者填也五稼填滿其中也

戍遏也

疏

戍守所以止寇賊

疏

遏止也郭云戍守所以止寇賊春秋公子買戍

衛

師人也

疏

謂人衆

疏

師衆也周禮大司馬二千五百人為師故郭云謂人衆

砧鞞也

疏

砧然堅固

疏

謂牢固易文言云確乎其不可拔又革卦初九

云鞞用黃牛之革若如此說砧若學切當從告說文別有砧若八切石堅也字雖小異其義則同

棄忘也

疏

心遺忘小雅谷風云棄我如遺

踟閑也

疏

囂然閑暇貌

鄒丘刀切

謀心也

疏

謀慮以心

獻聖也

疏

諡法曰聰明睿智曰獻

疏

郭云諡法曰聰明睿智曰獻諡法者

周書篇名也

里邑也

疏

謂邑居

疏

謂邑居也論語云里仁為美王制云凡居民量地以制邑

襄除也

疏

詩曰不可襄也

疏

謂除去也詩曰不可襄者鄙風牆有茨文也

振古也

疏

詩曰振古如茲猶云久若此

疏

言久故也詩曰振古如

茲猶言久若此者案周頌載芟云匪今斯今振古如茲毛傳云振自也鄭箋云振亦古也言脩德行禮莫不獲報乃自古而如此所由來者久非適今時是也

對怨也

說文謂怨恨左傳音隊曰以死誰對

縞介也

說文縞者繫也介猶閱音離郭云縞者繫介猶閱以釋水三縞綏

也綏繫者則介閱也

號諱也

說文今江東皆言諱號音毫諱火胡切謂叫諱也小雅

號載嗽郭云今江東皆言諱


凶咎也

說文謂咎惡也通見詩書

苞積也

說文今人呼物叢緻者為積郭云今人呼物叢緻者為積孫炎曰

物叢生曰苞齊人名曰積唐風揚羽云集于苞栩毛傳云苞積也鄭箋云積者根相通迨柵綴亦謂叢生也



迺寤也

說文相干寤音寤迺謂相干也寐而覺寤

題額也

說文題額也詩曰麟之定皆謂額也

者周南麟之趾文也

猷肯可也

說文詩曰猷來無棄肯今通言皆肯可也

棄者魏風陟岵文也肯今通言者邶風終風云惠然肯來是也

務侮也

說文詩曰外禦其務謂輕侮也詩曰外禦其務小雅常棣文也

貽遺也

說文相歸遺季切謂相歸遺詩云貽我握椒

買賣也

說文廣二名買市也又為買郭云廣

賄財也

說文財帛總名賄周禮冢宰職云商賈阜通貨賄鄭注云布帛曰賄

甲狎也 **註** 謂習狎 **疏** 謂狎習也衛風芄蘭云能不我

茨騅也 茨 藪也 **註** 詩曰毳衣如茨草色如騅在青白

之間 **○** 茨他敢切 **疏** 廣異言也 **註** 詩曰毳衣如茨者

盧之初生者也鄭箋云茨藪也以傳解茨色未辯草


名故定之也郭云茨草色如騅在青白之間者以釋

祭餐也 **註** 今河北人呼食為祭 **○** 餐 **註** 謂餐食也郭云

為祭鄭風緇衣云還子授子之祭兮鄭箋云自館

渝變也 **註** 謂變易 **疏** 謂變易也詩曰舍命不渝

宜肴也 **註** 詩曰與子宜之 **疏** 謂肴饌也李巡曰飲酒之



鄭風女曰 雞鳴文也

夷悅也 **註** 詩曰我心則夷 **疏** 謂喜悅也 **註** 詩曰我心

顛頂也 **註** 頭上 **疏** 謂頭上也詩曰有馬白顛

耄老也 **註** 八十為耄 **○** 耄 **疏** 耄鐵也孫炎曰老人面如

風車鄰云逝者其耄毛傳云八十曰耄易離卦云大 耄之嗟鄭注云年踰七十僖九年左傳曰伯舅耄老 服虔曰七十曰耄此及詩傳言八十曰耄者耄有七 十八十無正文也詩以仕者七十致事仕者慮已之 耄欲得早致事故以為八十

輜輕也 **註** 詩曰德輜如毛 **○** 輜 **疏** 謂輕微也 **註** 詩曰德

文

淺淺也 **註** 詩曰小戎淺收 ○淺音踐 **疏** 謂淺近 **註** 詩曰小戎也

綯絞也 **註** 糾絞繩索 ○綯音陶 **疏** 謂糾絞繩索也李巡曰綯

索


訛化也 **註** 詩曰四國是訛 **疏** 匡正之化也 **註** 詩曰四國是訛者幽風破斧文

跋躡也 **註** 詩曰狼跋其胡 **疏** 躡也 **註** 詩曰載躡其尾 ○躡音獵 **疏** 音獵躡音致 **註** 李巡曰跋前行曰躡 **疏** 珣卻頓曰躡 **註** 珣

音獵躡音致

珣 **疏** 詩云狼跋其胡載躡其尾者幽風狼

跋文也說文云跋躡丁干切珣竹二切躡即躡也然則跋與躡皆是顛倒之類以跋為躡者謂跋其胡而倒躡耳毛傳云老狼有胡謂頷下聖胡進則躡其胡謂躡胡而前倒也退則珣其尾謂卻頓而倒於尾



烝塵也 **註** 人眾所以生塵埃 **疏** 孫炎曰烝物久之塵小 **疏** 雅南有嘉魚烝然罩罩

郭云人眾所以生塵埃

戎相也 **註** 相佐助 **疏** 相如字注同一云相助也 **疏** 息亮切故注云相佐助也

飫私也 **註** 宴飲之私 **疏** 孫炎曰飫非公朝私飲酒也郭 **疏** 云宴飲之私小雅常棣云飲酒

之飫毛傳云飫私也不脫屨升堂謂之飫鄭箋云私者圖非常之事若議大疑於堂則有飫禮焉聽朝為

公周語曰王公立飫

孺屬也 **註** 謂親屬 **疏** 李巡云孺骨肉相親屬也常棣云 **疏** 和樂且孺毛傳云九族會曰和孺

屬也鄭箋云屬者昭穆相次序

幕暮也

訓幕然暮夜

疏幕然暮夜也

煽熾也

訓熾盛也

訓互相訓煽義見詩

疏轉相解也皆嬖寵熾盛也注煽

義見詩者小雅十月之交云艷妻煽方處

抵本也

訓謂根本

音帝

疏謂根本也周禮典瑞云四圭有邸鄭司農云於中央為壁

主著其四面一玉俱成即引此文云邸本也圭本著於壁故四圭有邸圭本四出故也又曰兩圭有邸後鄭云儻而同邸皆謂本也抵邸音義同

窵閒也

訓窵窵閒隙

音開

疏窵窵閒隙也詩周南關雎


幽閒鄭箋云幽閒深宮皆謂淑女所處之宮形狀窵窵然

淪率也

訓相率使

疏

謂相率率郭云相率使小雅雨無正云無淪胥以鋪



罹毒也

訓憂患慘毒

疏

釋詁云罹憂也郭云憂患慘毒小雅小弁云我獨于罹

檢同也

訓模範同等

疏

檢模範也郭云模範同等說文云書署也

郵過也

訓道路所經過

疏

郵謂郵亭過經過也郭云道路所經過郊特性云郵表啜

遜遜也

訓謂逃去

疏

謂逃去也春秋莊元年夫人姜氏孫于齊公羊傳曰孫者何孫猶遜也內諱奔謂之孫穀梁傳曰孫之為言猶孫諱奔也

斃踣也

訓前覆債僵也

疏

斃音弊踣音蒲北切債音糞僵音姜

顛覆之名也斃又謂之踣皆前覆也檀弓云躬之斃鄭箋云斃什也然則又為什債謂之僵皆仰僵也左傳曰鄭伯之車債於濟

眡眡也

訓謂眡絕

疏

謂眡絕也周頌載芟云徂隰徂眡毛傳曰眡場也地官遂人云十夫

有溝溝上有畛則畛謂地畔之徑路也至此而易之故以畛為場易則地絕故得為殄

曷盍也 **註** 盍何不 **註** 郭云盍何不也論曰盍各言爾志

虹潰也 **註** 謂潰敗 **註** 潰敗亂也大雅抑篇云實音會 **註** 潰敗亂也 **註** 虹小子召旻蝨賊內註

陪闇也 **註** 陪然冥貌 **註** 陪音陪 **註** 謂冥昧也郭音陪 **註** 云陪然冥貌

黏膠也 **註** 膠黏黏 **註** 乙切 **註** 黏也 **註** 膠黏黏也 **註** 黏也 **註** 齊魯青徐自關而東或

曰黏或曰黏

孔甚也厥其也夏禮也 **註** 謂常禮 **註** 孔甚厥其通見詩書釋詁云夏常也

故郭云謂常禮

闔臺也 **註** 城門臺 **註** 音都 **註** 闔謂城門臺也 **註** 鄭風云出其闔闔毛傳云闔曲城也 **註** 闔城臺

也

囚拘也 **註** 謂拘執 **註** 謂拘執也 **註** 月令云挺重囚左傳口南冠而繫者楚囚也繫則拘執也

攸所也展適也 **註** 得自申展皆適意 **註** 郭云得自申展

皆適意

鬱氣也 **註** 鬱然氣出 **註** 鬱然氣出也謂鬱蒸之氣也

宅居也 **註** 謂居處也 **註** 大雅文王有聲云宅是鎬京

休慶也 **註** 謂嘉慶也 **註** 商頌曰何天之休

祈叫也 **註** 祈祭者叫呼而請事 **註** 祈猶禱也求也春官大祝掌六祝之辭以

祈福祥求永貞郭云祈祭者叫呼而請事

濬幽深也

濬亦深也

哲智也

舍人曰濬下之深也

哲大智也郭云濬亦

深也虞書舜典云濬哲文明孔安國云
舜有深智言其智之深所知不淺近也

弄玩也

謂玩好也

小雅斯干云載弄之璋
鄭箋云玩以璋者欲其比德焉

尹正也

謂官正也

皇匡正也

詩曰四國是皇

長正

也郭云謂官正也言為一官之長也周書君陳曰尹
茲東郊皇君威之正匡救諫之正孝經云匡救其惡

者幽風破斧文也

服整也

服御之令

齊整

謂整治也

郭云服御之令
齊整周南葛覃云服之無

敦


聘問也

見穀梁傳

問謂存省之對而言之則聘問

異周禮大行人云時聘以結諸

侯之好問問以喻諸侯之德又曰凡諸侯之邦交歲
相問也殷相聘也聘禮云小聘曰問是異也散而言
之皆謂相存省故此云聘問也注見穀梁傳者按隱
九年春天王使南季來聘穀梁傳曰南氏姓也季字
也聘問也
是其事



愧慙也

謂慙耻也

小爾雅云不直失節謂之慙慙愧
也面慙曰慙心慙曰慙體慙曰遠方言云悔

慙被慙也晉曰悔或曰慙秦晉之間凡愧而見上謂
之被梁宋曰慙又云僂慙也荆揚青徐之間曰僂

若梁益秦晉之間言心內慙矣山之東西自愧曰慙
趙魏之間謂之恥○慙音匿僂音腆慙女六切恥音

密亦音祕

殛誅也

書曰絲則殛死

○殛紀力切

謂誅責

書曰絲

則殛死者周書洪

文範

克能也翌明也 **詁** 書曰翌日乃瘳 **詁** 克能通見書傳 **詁** 書曰翌日乃瘳周

書金 滕文

訥訟也 **詁** 言訥諂 **詁** 多爭訟郭云言訥諂諂即讒 **詁** 小雅節南山云降此鞠訥

晦冥也奔走也遂退也 **詁** 外傳曰已復於事而遂 **詁** 亡定

切 **詁** 冥謂闇冥見公羊傳奔大走也左傳曰車馳卒 **詁** 奔遂却退也 **詁** 外傳曰已復於事而遂者齊語

管仲對相公辭也韋昭曰已畢也遂伏退也此國語也而謂之外傳者韋昭曰左丘明采錄前世穆王以

來下訖魯悼智伯之誅邦國成敗嘉言善語陰陽律呂天時人事逆順之數以為國語其文不主於經故

號曰外傳也

蹇什也 **詁** 頓躓倒什 **詁** 音赴 **詁** 郭云頓躓倒什 **詁** 即前文踏與踣也

亞次也諗念也 **詁** 相思念 **詁** 音沈 **詁** 亞下次也通見書傳 **詁** 諗者相思念也小雅

四牡云將 母來諗

屈極也 **詁** 有所限極 **詁** 瞻仰云靡有夷屆 **詁** 有所限極也大雅

弁同也 **詁** 詩曰奄有龜蒙弁蓋也 **詁** 謂覆蓋 **詁** 廣異言 **詁** 也 **詁** 詩


曰奄有龜蒙魯頌闕宮文言弁覆同為已有弁又為蓋謂覆蓋也易曰惡積而不可揜弁揜音義同

恫痛也 **詁** 詩曰神罔時恫 **詁** 謂痛傷 **詁** 詩曰神罔時恫 **詁** 大雅思齊文王肅云文王

之德能上順祖宗安寧百神無失其道無所怨痛

握具也 **詁** 謂備具 **詁** 握持辦具也郭云謂備具李本作 **詁** 帷釋云居位處之具也秦風權輿

云夏屋渠渠鄭箋云 屋具也義其同乎



振訊也

韻

振者奮迅

疏

謂振訊去塵也郭云振者奮迅也曲禮曰振書端冊

闕恨也

韻

相怨恨

疏

郭云相怨恨戾小雅棠棣云解云相恨戾小雅棠棣云

兄弟闕于牆毛傳云闕恨也恨者忿呼之名曲禮曰

越揚也

韻

謂發揚對遂也

韻

詩曰對揚王休

疏

揚謂稱美郭云

謂發揚遂者因事之辭

燬火也

韻

詩曰王室如燬燬齊人語

疏

燬音毀

疏

李巡曰燬一名火孫

炎曰方言有輕重故謂火為燬郭云燬齊人語方言

云燬呼隗切火也楚轉語也猶齊言焜音毀火也

懈怠也

韻

謂惰慢也大雅烝民云夙夜匪懈

宣緩也

韻

謂寬緩遇偶也

韻

偶爾相值遇

疏

郭云偶爾相值遇春

秋隱八年春宋公衛侯遇于垂穀梁曰不期而會曰遇

曩曩也

韻

國語曰曩而言戲也

疏

在今而道既往或曰曩或曰曩書大傳云

曩之取於囿中勇力之取也國語曰曩而言戲也者

案晉語驪姬與優施謀飲里克酒乃歌曰暇豫之吾

吾不如身鳥人皆集於苑已獨集於枯里克笑曰何

謂苑何謂枯優施曰其母為夫人其子為君可不謂

惶暇也

韻

詩曰不遑啓處

疏

音皇

疏

謂閒暇詩曰不遑啓處者小雅四牡文

宵夜也

韻

舍人曰宵陽氣消也詩云肅肅宵征書曰宵中星虛

爾雅

卷之二 二十四

及左閣

慎忤也 謂愛忤愒貪也 謂貪羨 慎鳥報切忤五

皆謂愛忤貪羨也昭元年左傳云主 愒愒皆貪也

堵柱也 相堵柱 堵音枝 郭云相堵柱也說文云 堵柱砥古用木今以石

字書云柱 屋之款

裁節也 竝併也 詩曰竝坐鼓瑟 易泰卦云后以財 成天地之道裁財

音義同竝併古今字 詩曰 竝坐鼓瑟者秦風車鄰篇又

卒既也 既已 皆謂盡 已也

情慮也 謂謀慮也 音囚 郭云謂謀慮 也字書作踪

將資也 謂資裝 行所資也郭 云謂資裝

藉紩也 今人呼縫紩衣為藉 切紩音扶 謂縫刺也 郭云今人

呼縫紩衣為藉鄭注司服云 藉紩為藉謂刺繡也

遞迭也 更迭 李巡曰遞者更迭問厠相代 之義邨柏舟云胡迭而微

矧况也 譬况 說文云矧况辭從矢取辭如矢也 郭云譬况謝氏云志譬况是也

廩廨也 或說云即倉廩所未詳 廩息 廣雅云廩 廩百困倉之別名孫炎曰廩藏穀鮮絜也舍 人云廩少鮮也郭云或說云即倉廩所未詳

追逃也 亦見禮記 音換 謂逃逃商書太甲云自作 孽不可追注亦見禮記者

案緇衣云子小人溺於水君子溺於口大人溺於 民皆在其所襲也下云太甲曰天作孽可違也自作 孽不可 以違

爾雅流 卷之二十五 及古閣

訊言也

相問訊

訊 訊問以言也郭曰相問訊詩云執訊獲醜

間覘也

左傳謂之謀今之細作也

○間諜覘 胡典切 反間一名

覘今之細作也 **左傳謂之謀者案栢十二年云使伯嘉謀之杜注云謀伺也兵書謂之反間也案說文云謀軍中反間也謂伴為敵國之人入其軍中伺候間隙以反報其主人鄭注周禮掌戮云謀謂姦寇反者**

沅沆也

水流澆沆

○沆音云 沆胡黨切

說文云沆轉流也一

澆沆水大貌

干扞也

相扞衛

郭云相扞衛孫炎曰二盾自蔽扞武夫目固為扞蔽如盾為防守如城然

周南兔置云公侯干城言公侯以

趾足也

足脚跣則也

斷足

○跣扶味切

易云賁其趾趾則足也亦

謂之脚跣刑名則斷人刑也呂刑云荆罰五百孔安國云刑足曰荆鄭注司刑云刑斷足也周改贖作刑

跣荆音義同

襄駕也

書曰懷山襄陵

謂乘駕也

鄭風大叔于田云兩服上襄書曰懷山

襄陵堯典文

忝辱也

煥煖也

今江東通言煥

○煥於六切

忝謂恥辱也詩曰無

忝爾所生煖溫也洪範云哲時煥若郭云今江東通言煥

塊塼也

土塊也外傳曰枕由以塼

○塼孚逼切


塊者結土也說

文云塊俗由字也由一名塼郭云土由也外傳曰枕由以塼案吳語吳王夫差既許越成乃大戒師徒

爾雅疏

卷之二二十六

級古閣



將以伐齊申胥進諫曰昔楚靈王不君其臣箴諫不入乃築臺於章華之上闕為石郭陂漢以象帝舜罷弊楚國以間陳蔡不脩方城之內踰諸夏而圖東國三歲於沮汾以服吳越其民不忍饑勞之殃三軍叛主於乾谿王親獨行屏營傍徨於山林之中三日乃見其涓人疇王呼之曰余不食三日矣疇趨而進王枕其股以寢於地王寐疇枕王以璞而去之王覺而無見乃匍匐將入於棘園棘園不納也乃入芋尹申亥氏焉是其事也說文云璞四角切亦塊也今注云枕古者字之誤也古當作土又外傳作璞郭云以幅者蓋亦理同或所見本異也

將齊也

謂分齊也

詩曰或肆或將

齊才

郭云謂

分齊也

餽餽也

糜也

郭云糜也

下云鬻糜郭云淖糜然則

餽餽鬻糜相類之物猶者曰糜淖者

或陳于牙或齊其肉王肅云分齊其肉所當用也

詩曰或肆或將者小雅楚茨文毛傳云肆陳將齊也


或陳于牙或齊其肉王肅云分齊其肉所當用也

郭云糜也

下云鬻糜郭云淖糜然則

餽餽鬻糜相類之物猶者曰糜淖者

或陳于牙或齊其肉王肅云分齊其肉所當用也



啓跪也

小跪

謂跪拜也

小雅四牡云不逞啓處郭

云小跪說文云跪長跪也莊子云擊

之禮也

蹠曲拳臣

之禮也

謂緻密

郭云謂

緻密

開闢也

書曰闢四門

虞書舜典文

謂緻密

郭云謂

緻密

郭云謂

緻密

郭云謂

緻密

郭云謂

袍襴也

左傳曰重襴衣裳

○襴吉

玉藻云纁為襴

纁為袍鄭玄云

衣有著之異名也

纁謂今之新綿

纁謂今之纁及舊

絮也然則襴是袍之別名謂新綿著袍者也

左傳

曰重襴衣裳者魯襄公二十一年傳云楚子使蓬子

馮為令尹遂以疾辭方暑闕地下水而牀焉重襴衣

裘鮮食而

寢是也

馮為令尹遂以疾辭方暑闕地下水而牀焉重襴衣

裘鮮食而

寢是也

馮為令尹遂以疾辭方暑闕地下水而牀焉重襴衣

裘鮮食而

寢是也

馮為令尹遂以疾辭方暑闕地下水而牀焉重襴衣

裘鮮食而

障眇也

謂壅障

郭云謂壅障一名眇

覲姑也

面姑然

音滑

郭云面姑然孫炎曰覲人面

覲也然則覲與姑皆面見人之貌詩云有覲面目

鬻糜也

淖糜

鬻之

舒緩也

謂遲緩

郭云謂遲緩詩云舒緩

而脫脫兮

翽翽也

今之羽葆幢

翽翽也

舞者所以自蔽翽

翽

徒刀切

徒到切

李巡曰翽舞者所持

郭云今之羽葆幢

鄭司農

注鄉師云翽羽葆幢也

大如斗在左

駢馬頭上

所謂黃屋左纛

纛又謂之翽

郭云舞者所以自蔽翽然則翽又名為纛

以爲翽故王風云左執翽毛傳云翽也翽也

隍窞也

復於

城池空者為窞

隍

城池無水者郭云城池空者為窞易泰卦上六城

芼搯也

謂拔取菜

孫炎曰皆擇菜也

某氏曰搯猶

之義史記曰斬將搯旗

謂拔取敵人之旗也

周南關雎云參差荇菜左右芼之故云謂拔取菜毛傳云芼

擇亦謂拔菜而擇之也

典經也

威儀可法則

周禮

太宰之職掌建

邦之六典

鄭注云典

常也經也法也王謂之禮經常所秉以治天下也邦

國官府謂之禮法常所守以為法式也常者其上下

苛妒也

煩苛者多嫉妒

計切

說文云妒妬也

郭

云煩苛者多嫉妒

言煩苛之人多嫉妬

芾小也

音貝 芾者小貌。芾是木榦及葉之小者也。召南云蔽芾甘棠。此比於

大木為小也。我行其野，云蔽芾其樛。鄭箋云樛之蔽芾始生為樛，葉之始生形亦小也。郭云芾者小貌。

迷惑也

狃復也 狃伏復為。狃女九切。復扶又切。山云俾民

不迷謂不惑也。狃復習也。郭云狃伏復為孫炎曰狃伏前事復為也。說文云狃狎也。伏習也。鄭風云將叔

無狃毛傳云狃習也。相十三年左傳云莫敖狃於蒲。駮之役杜注云狃伏也。然則狃伏皆貫習之義。復亦

貫習之意也。

逼迫也般還也

音班 左傳曰般馬之聲。般音班。還音旋。逼迫也。般還反也。左傳曰般馬之聲者襄公

十八年晉大夫邢伯告中行伯之辭也。

班賦也

音班 謂布與。郭云謂布與相六年左傳云諸侯

其班聘禮記云盼肉及廋車班。盼音義同。左傳曰屬役賦丈。

濟渡也濟成也濟益也

音義 所以廣異訓各隨事為義。

郭云所以廣異訓各隨事為義。方言云過渡謂之涉。濟彼注云猶今云濟渡。左傳曰濟河焚舟濟又為成。

左傳曰以欲從人則可以人從欲。鮮濟。濟又為增益。左傳曰盍請濟師於王。

緡綸也

音民 詩曰維絲伊緡緡繩也。江東謂之綸。音民。

孫炎云皆繩名也。郭云緡繩也。江東謂之綸。綸詩曰維絲伊緡者召南何彼穠矣文。

辟歷也

音切 未詳。蔡盩也。漉漉出涎沫。辟婢亦切。李巡云吐沫蔡也。郭云漉漉出涎沫。鄭語云訓語有

之曰夏之衰也。襲人之神化為二龍以伺于庭而言。

爾雅疏

卷之二 二十九

級古綱

曰余褒之二君夏后卜殺之與去之與止之莫吉卜請其祭而藏之吉韋昭云祭龍所吐沫龍之精氣也

寬綽也 **謂寬裕也** **疏** 孫炎云性之裕者郭云謂寬裕也臯陶謨云寬而栗

衮黻也 **衮衣有黻文** **疏** 郭云衮衣有黻文小雅采芣云衮及黼衮必兼有黼黻

詩但言及黼嫌於無黻故此釋之毛傳云玄衮卷龍也白與黑謂之黼鄭箋云玄衮玄衣而畫以卷龍也黼黼黻謂緋衣也諸公之服自衮冕而下

皇華也 **釋草曰萑華榮** **瓜切** **疏** 草木之華一名皇者華孫炎云皇皇猶煌煌郭云釋草曰皇華榮引之以證皇亦華榮之名

昆後也 **謂先後方俗語** **疏** 郭云謂先後方俗語大禹謨云官占惟先蔽志昆命

龜元

彌終也 **終竟也** **疏** 郭云終竟也大雅生民云誕彌厥月言大矣后稷之在其母終人道

十月而生也



爾雅註疏卷第二

爾雅註疏卷第二

爾雅註疏卷第三

晉郭璞註

宋邢昺疏

釋訓第三

案釋詁云訓道也周禮地官有土訓誦訓鄭司農注云謂以遠方土地所

生異物以告道王也後鄭云玄謂土訓能訓說土地善惡之勢誦訓能訓說四方所誦習及人所作為及時事然則此篇以物之事義形貌告道人也故自釋訓案此所釋多釋詩文故郭氏即以此詩義解之

明明斤斤察也

註

皆聰明鑒察

斤居

疏

舍人曰明明

炎曰明明性理之察也大雅常武云赫赫明明舍人曰斤斤物情詳之察也孫炎曰斤斤重慎之察也周

爾雅疏

卷之三

級告綱